



Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
Općinsko vijeće

Na osnovu člana 42. stav (1) Zakona o prostornom uređenju i građenju («Službene novine ZDK», broj: 1/14 i 4/16 i člana 19. tačka 5. Statuta Općine Breza („Službeni glasnik Općine Breza“ broj 8/09 – Prečišćeni tekst), Općinsko vijeće Breza na sjednici održanoj dana 30.04.2019. godine, donosi :

## ODLUKU

### o izmjeni Odluke o pristupanju izradi regulacionog plana za resort/turističkog naselja Vijesolići – Breza

#### Član 1.

Općinsko vijeće Općine Breza pristupa izmjeni Odluke o pristupanju izradi *Regulacionog plana za resort/turističko naselje Vijesolici-Breza*, objavljenoj u Službenom glasniku općine Breza broj 7/18, i to na način da se član 2. Odluke mijenja i glasi :

*„Regulacioni plan radi se, na osnovu Izmjena i dopuna Prostornog plana općine Breza za period do 2029 godine, za građevinsko zemljište van urbanog područja u MZ Vijesolići, na lokalitetu Vijesolići, po namjeni planiranom za izgradnju resort naselja u površine **6,99 ha**.*

#### Član 2.

Ostale odredbe Odluke o pristupanju izradi *Regulacionog plana za resort/turističko naselje Vijesolici-Breza* ostaju nepromijenjene.

#### Član 7.

Ova odluka stupa na snagu osmog dana od dana objavljivanja u „Službenom glasniku općine Breza“.

Broj:01/1-02-837/19  
Breza, 30.04.2019. godine

ZAMJENIK PREDSJEDAVAJUĆEG  
Općinskog vijeća

Kadrić Memsud, s.r.

Bosna i Hercegovina  
Federacija Bosne i Hercegovine  
Zeničko-Dobojski Kanton  
OPĆINA BREZA  
**Općinsko vijeće**

Na osnovu člana 14. stav 4. Zakona o eksproprijaciji („Službene novine Federacije BiH“, broj: 70/07, 36/10, 25/12 i 34/16) i člana 19. tačka 2. Statuta Općine Breza – Prečišćeni tekst ("Službeni glasnik Općine Breza", broj: 8/09), rješavajući po prijedlogu JP Elektroprivreda BiH d.d. – Sarajevo, ZD RMU „Breza“ d.o.o. Breza, za utvrđivanje javnog interesa za potpunu eksproprijaciju nekretnina, Općinsko vijeće Breza na sjednici održanoj dana 30.04.2019. godine, **donosi**

### **ODLUKU**

o utvrđivanju javnog interesa

1. **UTVRĐUJE SE DA JE OD JAVNOG INTERESA** eksploatacija uglja na površinskom kopu „Koritnik“, na zemljištu označenom kao:

- k.č. br. 3361, zv. „Krivača“, oranica/njiva 3. klase, upisana u Posjedovni list br. 1045 k.o. Župča, upisana i u zk. ul. br. 1953 k.o. Župča, u površini od 4131 m<sup>2</sup>, u posjedu i vlasništvu Tabaković (Alija) Mujo sa dijelom 1/1,

- k.č. br. 3362, zv. „Krivača“, oranica/njiva 4. klase, upisana u Posjedovni list br. 1045 k.o. Župča, upisana i u zk. ul. br. 1953 k.o. Župča, u površini od 1611 m<sup>2</sup>, u posjedu i vlasništvu Tabaković (Alija) Mujo sa dijelom 1/1,

- k.č. br. 3291 zv. „Glogovik“, oranica/njiva 2. i 3. klase, upisana u Posjedovni list br. 953 k.o. Župča, upisana i u zk. ul. br. 1949 k.o. Župča u površini od 5772 m<sup>2</sup>, u posjedu i vlasništvu Salkić (Osman) Meho sa dijelom 1/1.

- k.č. br. 1248, zv. „Krčevina“, pašnjak 1. klase, upisana u Posjedovni list br. 231 k.o. Kamenica, upisana i u zk. ul. br. 1072 k.o. Kamenice, u površini od 185 m<sup>2</sup>, u posjedu Hodžić (Ibrahim) Senajid sa dijelom 1/1 i vlasništvu Hodžić (Ibro) Ibrahim sa dijelom 1/1,

- k.č. br. 1252, zv. „Mračaj - Krčevina“, oranica/njiva 3. klase, upisan u Posjedovni list br. 232 k.o. Kamenica, upisana i u zk. ul. br. 463 k.o. Kamenice, u površini od 2340 m<sup>2</sup>, u posjedu Hodžić (Ibro) Nurija sa sa dijelom 1/1 i vlasništvu Hodžić (Ibrahim) Nurko sa dijelom 1/1,

- k.č. br. 3282, zv. „Glogovik“, oranica/njiva 4. klase, upisana u Posjedovni list br. 944 k.o. Župča, upisana i u zk. ul. br. 1791 k.o. Župča, u površini od 2315 m<sup>2</sup>, u posjedu i vlasništvu Salkić (Meho) Muharem sa dijelom 1/1,

**te se u tu svrhu može pristupiti potpunoj eksproprijaciji navedenog zemljišta**, a ukupna površina zemljišta za eksproprijaciju iznosi 16354 m<sup>2</sup>.

2. Određuje se da je JP Elektroprivreda BiH d.d. – Sarajevo, Zavisno društvo RMU „Breza“ d.o.o. Breza, korisnik eksproprijacije zemljišta iz tačke 1. ove Odluke.

3. Nadležni organ uprave može provesti postupak eksproprijacije zemljišta u svrhu površinske eksploatacije uglja.

4. Protiv ove Odluke može se pokrenuti upravni spor, podnošenjem tužbe Kantonalnom sudu Zenica u roku od 30 dana od dana dostavljanja ove Odluke.

Tužba se podnosi neposredno nadležnom sudu.

Bosna i Hercegovina  
Federacija Bosne i Hercegovine  
Zeničko-Dobojski Kanton  
OPĆINA BREZA  
**Općinsko vijeće**

Na osnovu člana 13. stav 2. Alineja 18. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), i člana 19. stav 1. tačka 2. Statuta Općine Breza („Službeni glasnik Općine Breza“, broj: 8/09 – Prečišćeni tekst), Općinsko vijeće Breza na sjednici održanoj dana, 30.04.2019. godine, d o n o s i

## **O D L U K U**

### **o spomen-obilježjima na području općine Breza**

#### **I - OSNOVNE ODREDBE**

##### **Član 1.**

Spomen-obilježjima se trajno obilježavaju značajni događaji i datumi, čuvaju uspomene na istaknute ličnosti, njeguju kulturno-historijske tradicije i odaje počast borcima odbrambeno- oslobodilačkog rata, civilnim žrtvama rata i masovnim stradanjima ljudi.

##### **Član 2.**

Spomen-obilježje je spomen objekat (spomen groblje, spomen kosturnica, spomenik, spomen-bista, spomen-ploča, spomen-kuća, spomen-dom, spomen park, zadužbinski objekat, stećci i dr.) koji izgledom, sadržajem, oznakama i natpisom doprinosi trajnom očuvanju vrijednosti iz člana 1. ove Odluke.

Spomen-obilježjem smatra se i naziv javne ustanove, javnog preduzeća, naselja i javnog objekta (ulica, trg, put, park, česma i dr.) ako simbolizuje vrijednosti iz člana 1. ove Odluke.

Spomen-obilježjem ne smatra se objekat na groblju, osim spomen-mezarja/ groblja i zadužbinskog vjerskog objekta, historijske oznake u vidu ploča ili putokaza, kojima se obilježavaju događaji ili osobe od značaja za lokalnu historiju u turističke, edukativne i slične svrhe

##### **Član 3.**

Značajnim događajem se smatra događaj, koji:

1. je bio od izuzetnog značaja za društveni, ekonomski ili kulturni razvoj općine Breza;
2. predstavlja važan datum u lokalnoj historiji i historiji BiH;
3. predstavlja važan datum u odbrambeno-oslobodilačkom ratu 1941-1945 i 1992-1995. godine.

##### **Član 4.**

Istaknutom ličnošću smatra se lice:

1. koje je posebno zaslužno za društveni, ekonomski, naučni ili kulturni razvoj općine Breza i BiH;
2. koje je bilo organizator ili istaknuti učesnik odbrambeno-oslobodilačkog rata 1941-1945 i 1992-1995;
3. koje se istaklo humanim radom, spašavanjem ljudskih života, antifašizmom, promocijom univerzalnih ljudskih prava i civilizacijskih vrijednosti i slično.

##### **Član 5.**

Masovnim stradanjem ljudi smatra se slučaj u kojem je više lica izgubilo život u odbrambeno oslobodilačkom ratu 1941-1945 i 1992-1995. godine, sredstvima ili od

sredstava javnog saobraćaja, na radnom mjestu, u zemljotresu ili drugoj elementarnoj nepogodi.

#### Član 6

Ova Odluka ne odnosi se na spomen-obilježja, koja u skladu sa zakonom, imaju status spomenika kulture.

## II - PODIZANJE SPOMEN-OBILJEŽJA

#### Član 7.

Podizanje spomen obilježja je izgradnja ili postavljanje spomen-objekta, odnosno davanje naziva javnoj ustanovi, javnom preduzeću, naselju ili javnom objektu.

Spomen-obilježja se podižu u skladu sa programom podizanja spomen-obilježja (u daljem tekstu: Program), koji donosi Općinsko vijeće na prijedlog Općinskog načelnika (u daljem tekstu: Načelnik).

U donošenju prijedloga programa utet će se u razmatranje prijedlozi pojedinaca, mjesnih zajednica, podružnica mjesnih zajednica, boračkih organizacija i drugih udruženja.

#### Član 8.

Spomen-obilježje za značajan događaj ne može se podići prije isteka roka od 1 (jedne) godine od dana kada se događaj desio.

Spomen-obilježje istaknutoj ličnosti ne može se podići prije isteka roka od 1 (jedne) godine od dana kada je lice umrlo.

#### Član 9.

Nije dozvoljeno podizati spomen obilježje:

1. ukoliko ono svojim kontekstom jasno odražava glorifikaciju ideologija, pokreta i režima koji su doživjeli međunarodnu osudu ili sadrži simbole istih
2. ukoliko je posvećeno osobi koja se istakla u promicanju i zagovaranju ideologija, pokreta i režima koji su doživjeli međunarodnu osudu, ili zagovaranju rasizma, šovinizma, diskriminacije, homofobije, netolerancije i kršenja ljudskih prava;
3. ukoliko je posvećeno osobi koja je, pred legalnim sudom i u poštenom sudskom procesu, pravosnažno osuđena za zločine protiv čovječnosti i druge teške oblike ratnih zločina, u skladu sa međunarodnim pravnim normama.

#### Član 10.

Program iz člana 7. Stav 2. sadrži:

1. značajne događaje, istaknute ličnosti, kulturno-historijske tradicije, borbe odbrambeno-oslobodilačkog rata, civilne žrtve rata i masovna stradanja ljudi za koje će se podići spomen-obilježje, sa obrazloženjem razloga za podizanje spomen obilježja;
2. vrstu spomen-obilježja, način podizanja i opis simboličkog značenja;
3. spisak spomen-obilježja koja će biti izmjenjena, dograđena, izmještena, zamjenjena ili uklonjena, sa obrazloženjem razloga;
4. druge elemente neophodne za sprovođenje Programa.

#### Član 11.

Spomen obilježje izgradnjom ili postavljanjem spomen-objekta može podići općina, boračke organizacije, mjesna zajednica, podružnica mjesne zajednice, vjerska zajednica, drugo pravno lice i pojedinac.

Spomen-obilježje davanjem naziva javnoj ustanovi ili javnom preduzeću može podići osnivač ovih pravnih lica.

Spomen-obilježje davanjem naziva naselju ili javnom objektu može podići općina.

## Član 12.

Spomen-obilježje se podiže na mjestu gdje se značajni događaj desio, u mjestu gdje je istaknuta ličnost rođena, stvarala, djelovala, poginula ili umrla, odnosno mjestu koje je adekvatno za ostvarivanje cilja koji se podizanjem spomen-obilježja htjeli ostvariti.

Spomen-obilježje izgradnjom ili postavljanjem spomen-objekta podiže se na vidnom i pristupačnom mjestu.

## Član 13.

Općinsko vijeće, u skladu sa Programom, donosi odluku o podizanju spomen-obilježja.

Odluku o podizanju spomen-obilježja izgradnjom ili postavljanjem spomen-objekta, odnosno davanjem naziva javnoj ustanovi ili javnom preduzeću, Općinsko vijeće donosi na zahtjev subjekata iz člana 11. stav 1. i 2. ove Odluke.

Odluku o podizanju spomen-obilježja davanjem naziva naselju ili javnom objektu, Općinsko vijeće donosi na prijedlog ovlaštenog predlagača u skladu sa zakonom i Statutom općine.

Ne može se podizati spomen-obilježje bez odluke Općinskog vijeća donesene u skladu sa stavom 1. ovog člana.

## Član 14.

Nadležni organ je dužan da razmotri prijedlog odluke o podizanju spomen-obilježja i da donese odgovarajući akt u roku od 30 dana od dana dostavljanja.

## Član 15.

Zahtjev za podizanje spomen obilježja treba da sadrži:

- 1) podatke o podnosiocu zahtjeva;
- 2) navođenje događaja, ličnosti, kulturno-istorijske tradicije za koje se traži podizanje spomen-obilježja;
- 3) podatke o vrsti i veličini spomen-obilježja;
- 4) prijedlog teksta koji će biti ispisan na spomen-obilježju;
- 5) prijedlog mjesta podizanja spomen-obilježja;
- 6) prijedlog načina održavanja spomen obilježja.

Uz zahtjev iz stava 1. ovog člana podnosi se prijedlog idejnog rješenja spomen obilježja i saglasnosti predviđene ovom Odlukom.

## Član 16.

Ako se spomen-obilježje postavlja na objektu ili ako se gradi na zemljištu koje pripada objektu, za podizanje spomen-obilježja potrebna je saglasnost vlasnika, odnosno korisnika objekta.

Ako se spomen-obilježje postavlja na objektu koji je kulturno dobro ili ako se gradi na prostoru koji je zaštićena okolina kulturnog dobra, za podizanje spomen-obilježja potrebna je saglasnost organa državne uprave nadležnog za zaštitu kulturnih dobara.

Ako se spomen-obilježje gradi na prostoru koji je zakonom ili u skladu sa zakonom zaštićena prirodna cjelina, za podizanje spomen-obilježja potrebna je saglasnost organa državne uprave nadležnog za zaštitu prirode.

## Član 17.

Odluka o podizanju spomen-obilježja postavljanjem ili izgradnjom spomen-objekta sadrži

- 1) značajni događaj, istaknutu ličnost, kulturno-istorijsku tradiciju, borbe odbrambeno-oslobodilačkog rata, civilne žrtve rata ili masovno stradanje ljudi za koje se podiže spomen-obilježje;
- 2) naziv subjekta koji podiže spomen-obilježje;
- 3) vrstu i dimenziju spomen-obilježja;
- 4) mjesto podizanja spomen obilježja;
- 5) tekst koji će biti ispisan na spomen obilježju;

- 6) rok i uslovi za podizanje spomen-obilježja;
- 7) pismena saglasnost najbližih srodnika o ispisivanju imena njihovih srodnika;
- 8) naziv obveznika održavanja spomen-obilježja.

#### Član 18.

Odluka o podizanju spomen-obilježja davanjem naziva javnoj ustanovi ili javnom preduzeću sadrži:

- 1) Podatke o javnoj ustanovi ili javnom preduzeću kojem se daje naziv (vrsta, mjesto i dr.) ;
- 2) podatke o osnivaču javne ustanove, odnosno javnog preduzeća;
- 3) naziv koji se daje javnoj ustanovi, odnosno javnom preduzeću;
- 4) način i mjesto ispisivanja, odnosno isticanja naziva javne ustanove ili javnog preduzeća.

#### Član 19.

Odluka o podizanju spomen-obilježja davanjem naziva naselju ili javnom objektu sadrži opis granica i naziv naselja, odnosno javnog objekta kojem se daje naziv.

#### Član 20.

Općinsko vijeće je dužno da nadležnom organu dostavi odluku o podizanju spomen-obilježja u roku od osam dana od dana donošenja Odluke.

#### Član 21.

Za spomen-obilježje koje se podiže izgradnjom spomen-objekta, nakon donošenja odluke iz člana 19. ove Odluke, Općinska služba za prostorno uređenje, geodetske i imovinsko-pravne poslove, na zahtjev subjekta koji podiže spomen-obilježje, izdaje urbanističku saglasnost i građevinsku dozvolu za izgradnju spomen-obilježja, u skladu sa zakonom.

Spomen-obilježje iz stava 1. ovog člana ne može se podizati bez dozvole za građenje spomen-objekta.

#### Član 22.

Nakon izdavanja građevinske dozvole za izgradnju spomen-objekta, subjekat koji podiže spomen-obilježje dužan je da objavi javni konkurs za izradu arhitektonskog i umjetničkog rješenja spomen-objekta.

Ocjenu i odabir arhitektonskog i umjetničkog rješenja spomen-objekta vrši stručna komisija koju obrazuje Općinski načelnik.

Troškove rada Komisije iz stava 2. ovog člana snosi subjekat koji podiže spomen-obilježje.

#### Član 23.

Subjekt koji podiže spomen-obilježje dužan je da spomen-objekat izradi u skladu sa izdatim odobrenjem nadležne općinske službe.

#### Član 24.

Općinska služba za finansije, inspekcijske poslove i opću upravu i Općinska služba za prostorno uređenje, geodetske i imovinsko-pravne poslove dužne su da spriječe bespravno podizanje spomen-obilježja, donošenjem rješenja o zabrani podizanja, donosno uklanjanju bespravno podignutog spomen-obilježja.

### **III- ZAŠTITA I ODRŽAVANJE SPOMEN-OBILJEŽJA**

#### Član 25.

Općinska služba za finansije, inspekcijske poslove i opću upravu, putem odjeljenja za boračko invalidsku zaštitu vodi registar spomen-obilježja na području općine.

## Član 26.

Zaštita spomen-obilježja je sprječavanje njegovog oštećenja ili uništenja, kao i neovlaštene izmjene, dorade, izmještanja, zamjene ili uklanjanja.

Općina putem svojih službi obezbjeđuje zaštitu spomen-obilježja na svojoj teritoriji u saradnji sa Policijskom stanicom Breza.

## Član 27.

Održavanje spomen-obilježja obuhvata tekuće i investiciono održavanje spomen-objekta i uređenje njegove lokacije.

Spomen-obilježje se mora redovno održavati, na način i u mjeri kojom se obezbjeđuje njegov prvobitni izgled.

## Član 28.

Održavanje spomen obilježja vrši subjekt koji ga je podigao, odnosno obveznik održavanja određen odlukom o podizanju spomen-obilježja.

Ako je obveznik održavanja spomen-obilježja prestao da postoji ili ako iz objektivnih razloga nije u mogućnosti da vrši održavanje spomen-obilježja, održavanje spomen-obilježja obezbjeđuje općina.

## Član 29.

Općinska služba za finansije, inspekcijske poslove i opću upravu utvrđuje, po potrebi, a najmanje jednom godišnje, stanje spomen-obilježja na teritoriji općine i upozorava obveznika održavanja na neophodnost preduzimanja potrebnih mjera i radova u određenom roku.

Ako obveznik održavanja ne izvrši u određenom roku potrebne radove na održavanju spomen obilježja, općina će izvršiti potrebne radove na spomen-obilježju na teret obveznika održavanja.

## Član 30.

Obveznik održavanja spomen-obilježja koji, zbog objektivnih razloga, nije u mogućnosti da izvrši održavanje spomen-obilježja dužan je da o tome obavijesti Općinsku službu za finansije, inspekcijske poslove i opću upravu.

## Član 31.

U slučaju promjene namjene prostora, u skladu sa prostornim ili urbanističkim planom, spomen-obilježje se može izmjestiti na odgovarajuću lokaciju o čemu će se provesti javna rasprava.

## Član 32.

Na zahtjev članova uže porodice lica sahranjenog u spomen-groblju, Općinska služba za finansije, inspekcijske poslove i opću upravu može, uz saglasnost nadležnog organa, dozvoliti prenošenje posmrtnih ostataka iz spomen-groblja u posebnu grobnicu.

Ne može se vršiti prenošenje posmrtnih ostataka iz spomen-groblja bez dozvole organa iz stava 1. ovog člana.

## Član 33.

U postojećim spomen-grobljima i drugim spomen-obilježjima ne mogu se vršiti nova sahranjivanja.

## Član 34.

Izmjena, dorada, izmještanje, zamjena i uklanjanje spomen-obilježja vrši se po postupku propisanom za podizanje spomen-obilježja.

## Član 35.

Spomen-obilježje koje se može, bez oštećenja, odvojiti od objekta na kojem je postavljeno uklanja se skidanjem spomen-objekta.

Spomen-obilježje čiji se spomen-objekat ne može ukloniti skidanjem uklanja se rušenjem.

Ako je spomen-objekat ili dio spomen-objekta umjetničko djelo, uklanjanje spomen-obilježja vrši se skidanjem dijela spomen-objekta koji je umjetničko djelo i rušenjem ostalog

dijela spomen-objekta.

#### Član 36.

Izmjenu i doradu spomen-obilježja može, uz saglasnost autora umjetničkog i arhitektonskog rješenja, vršiti subjekat koji je podigao spomen-obilježje, odnosno općina ako je taj subjekat prestao da postoji.

Izmještanje spomen-obilježja na odgovarajuću lokaciju može vršiti Općinska služba za prostorno uređenje, geodetske i imovinsko-pravne poslove u skladu sa rezultatima javne rasprave

Uklanjanje spomen-obilježja skidanjem spomen-objekta ili dijela spomen-objekta vrši Služba.

Uklanjanje spomen obilježja rušenjem spomen-objekta ili dijela spomen-objekta vrši Općinska služba za prostorno uređenje, geodetske i imovinsko-pravne poslove.

Zamjenu spomen-obilježja vrši javna ustanova ili javno preduzeće kojem je naziv promjenjen, odnosno općinska služba određena odlukom Općinskog načelnika.

#### Član 37.

Općinska služba za prostorno uređenje, geodetske i imovinsko-pravne poslove obavjestit će lice, odnosno subjekat, koji je podigao spomen-obilježje o danu uklanjanja spomen-obilježja i pozvati ga da preuzme umjetničko djelo sa uklonjenog spomen-obilježja.

Ako je lice, odnosno subjekat koji je podigao spomen-obilježje prestao da postoji ili ako se ne odazove pozivu da preuzme umjetničko djelo sa uklonjenog spomen-obilježja, umjetničko djelo će se ponuditi autoru djela, odnosno njegovim nasljednicima.

Ako se autor ili njegovi nasljednici ne odazovu pozivu da preuzmu umjetničko djelo sa uklonjenog spomen-obilježja, to umjetničko djelo ponudit će se nadležnom muzeju.

Ako ni muzej ne preuzme umjetničko djelo sa uklonjenog spomen-obilježja, sa tim umjetničkim djelom postupit će se kao sa stvari koja nema umjetničku vrijednost.

### IV - INSPEKCIJSKI NADZOR

#### Član 38.

Inspekcijski nadzor nad primjenom ove Odluke vrši općinski komunalni i građevinski inspektor.

### V - KAZNE ODREDBE

#### Član 39.

Ko ošteti, uništi, neovlašteno izmjeni, doradi, izmjesti, zamjeni ili ukloni spomen-obilježje kaznit će se novčanom kaznom od 1.000,00 do 3.000,00 KM.

Za započetu gradnju spomen obilježja bez odobrenja za građenje novčanom kaznom od 3.000,00 do 5.000,00 KM kaznit će se pravno lice a fizičko lice će se kazniti novčanom kaznom od 500 do 1.000,00 KM.

### VI - PRELAZNE I ZAVRŠNE ODREDBE

#### Član 40.

Objekti podignuti kao spomen-obilježja poslije stupanja na snagu ove Odluke bez odobrenja nadležnog organa, smatraju se bespravno podignutim.

#### Član 41.

Objekti – spomen obilježja čija je gradnja započeta prije stupanja na snagu ove Odluke završit će se po postojećoj proceduri.

Za objekte-spomen obilježja izgrađene prije stupanja na snagu ove Odluke pojedinac ili pravno lice koje je isti podiglo dužno je pribaviti naknadno odobrenje uz priloženo idejno rješenje (skicu) i dokaz o rješanim imovinskim odnosima.



## Član 42.

Ova Odluka stupa na snagu danom donošenja, a objavit će se u „Službenom glasniku Općine Breza”.

Broj: 01/1-02-951/19  
Datum: 30.04.2019. godine

Zamjenik predsjedavajućeg  
Općinskog vijeća  
Kadrić Memsud, s.r.

---

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
Općinsko vijeće

Na osnovu člana 37. stav 7. i člana 42. Zakona o prostornom uređenju i građenju („Službene novine ZE – DO kantona“, broj: 1/14 i 4/16) i člana 19. tačka 5. Statuta Općine Breza („Službeni glasnik Općine Breza“ broj 8/09 – Prečišćeni tekst), Općinsko vijeće Breza na sjednici održanoj dana 30.04.2019. godine, donosi :

**O D L U K U**  
**o pristupanju izradi Zoning plana**  
**„Industrijska zona Koritnik“**

## Član 1.

Općina Breza pristupa izradi Zoning plana za Industrijsku zonu Koritnik (u daljem tekstu Plan)

## Član 2.

Područje za koje se vrši izrada Plana obuhvata postojeću ( Asfaltna baza) i planiranu poslovnu zonu, (južni dio ) površinskog kopa Koritnik, a prikazano je u grafičkom prilogu broj 2., koji je sastavni dio ove Odluke.

## Član 3.

Površina obuhvata Plana iznosi **13,70 ha**.

## Član 4.

Plan se radi na osnovu Izmjena i dopuna Prostornog plana općine Breza za period do 2029. godine.

## Član 5.

Plan se donosi za vremenski period od 10 godina.

## Član 6.

Smjernice za izradu Plana:

1. Plan izraditi u skladu sa odredbama Zakona o prostornom uređenju i građenju ZE-DO kantona i Uredbi o jedinstvenoj metodologiji za izradu prostornih planskih dokumenata («Sl.novine Federacije BiH», br. 63/04 i 50/07 i 84/10), te drugim propisima iz posebnih oblasti relevantnih za planiranje i uređenje prostora ( saobraćaj, snabdjevanje vodom i energijom, telekomunikacija i dr.)
2. Prilikom izrade Plana voditi računa o javnom interesu i opštim i posebnim ciljevima prostornog razvoja, utvrđenim Izmjenama i dopunama Prostornog plana općine breza za period do 2029 godine.

3. Nosilac izrade obavezan je obezbjediti usaglašenost Plana sa dokumentom prostornog uređenja šireg područja, odnosno da je u saglasnosti sa važećim Prostornim planom za općinu.
4. Na bazi izvršenog geodetskog snimanja, ocjene postojećeg stanja prostora i infrastrukture u okruženju zone, naročito tangirajućih naselja, planirati jedinstvenu zonu za industrijske kapacitete sa kvalitetnim saobraćajnim rješenjem, uz ostavljanje mogućnosti proširenja postojećeg pogona asfaltne baze.
5. Za pogon asfaltne baze propisati određene uslove kojima se ista približava najboljim tehnologijama u ovoj vrsti proizvodnje, proširenje asfaltne baze usloviti sa propisanim određenim uslovima ove tačke a to znači prvo poboljšati tehnologiju a zatim proširenje, sa utvrđivanjem krajnjih rokova.
6. za sve planirane kapacitete utvrditi obavezu primjene najboljih raspoloživih tehnologija, kako bi emisije u okoliš bile svedene na minimalne veličine
7. Planirati zonu tako da je moguća izgradnja malih i srednjih preduzeća, ali da se, po potrebi, planirane parcele lahko mogu integrisati u velike industrijske pogone.,
8. Označiti objekte infrastrukture sa ucrtanim granicama infrastrukturnih sistema uključujući zaštitne zone, sa potrebnim parametrima za priključenje korisnika.
9. Poboljšati infrastrukturne uslove za postojeće privredne kapacitete unutar zone i stvoriti uslove za proširenje postojećih kapaciteta.
10. Zona mora biti sa saobraćajnog aspekta pravilno povezane sa saobraćajnicama višeg ranga, tako da je potrebno planirati rekonstrukciju postojećih te izgradnju novih trasa saobraćajnica, kako bi se zona povezala na regionalnu cestu, ne remeteći saobraćaj unutar susjednih naselja.
11. Na zadovoljavajućem nivou, da se ne remeti normalno funkcionisanje postojećih kapaciteta, moraju biti i vodovodna, kanalizaciona i elektro infrastruktura planirane zone.
12. Zahtjeve potencijalnih investitora za građenje u prostoru obuhvata Plana, pristigle u postupku pripreme i izrade Plana, nosilac pripreme Plana je dužan analizirati i eventualno ugraditi u Plan, a u slučaju dase isti ne mogu prihvatiti, dužan je dati pismeno, argumentovano obrazloženje.
13. Kako se predmetno područje nalazi u blizini naseljenih mjesta, potrebno je osmisliti odgovarajući zaštitni pojas za zonu industrije u potrebnoj širini i sa odgovarajućom obradom zaštitnog pojasa.
14. Izgradnja industrijskih objekata treba biti usaglašena sa stvarnim prostornim mogućnostima predmetnog područja, pa je potrebno voditi računa o međusobnim udaljenostima planiranih objekata i izgrađenog fonda u okruženju.

#### Član 7.

Priprema, izrada i usvajanje Plana provest će se u skladu sa odredbama Zakona o prostornom uređenju i građenju i Uredbi o jedinstvenoj metodologiji za izradu planskih dokumenata. («Sl.novine Federacije BiH», br. 63/04 i 50/07 i 84/10)

#### Član 8.

Sredstva za izradu Plana obezbjedit će se iz budžeta općine, i kroz finansijsko učešće potencijalnih investitora.

#### Član 9.

Nosilac pripreme Plana je Općinski načelnik, putem općinske Službe za prostorno uređenje, zaštitu okolice, geodetske i imovinsko- pravne poslove općine Breza.

#### Član 10.

Izbor nosioca izrade Plana izvršit će se u skladu sa Zakonom o javnim nabavkama BiH („Službeni glasnik BiH“, broj: 39/14)

## Član 11.

Subjekti planiranja izrade Plana su: Općinsko vijeće, mjesne zajednice, vlasnici nekretnina u obuhvatu plana, privredni subjekti, udruženja građana.

## Član 12.

Stupanjem na snagu ove Odluke, prestaje da važi Odluka o pristupanju izradi regulacionog plana Industrijska zona Koritnik, broj 01/1-02-3304/16 od 28.12.2016. godine, objavljena u Službenom glasniku općine Breza broj 8/16.

## Član 13.

Ova Odluka stupa na snagu danom objavljivanja u „Službenom glasniku Općine Breza“.

Broj: 01/1-02-836/19  
Breza, 30.04.2019. godine

ZAMJENIK PREDSJEDAVAJUĆEG  
Općinskog vijeća  
Kadrić Memsud, s.r.

---

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Broj: 01/1-02-932/19  
Breza, 30.04.2019. godine

Na osnovu člana 115. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja Izvještaja o izvršenju Budžeta Općine Breza za period 01.01.2018.-31.12.2018. godine, Općinsko vijeće Breza na sjednici održanoj dana 30.04.2019.godine, d o n o s i:

**ZAKLJUČAK****I**

**USVAJA SE** Izvještaj o izvršenju Budžeta Općine Breza za period 01.01.2018.-31.12.2018. godine

**II**

Zaključak objaviti u „Službenom glasniku Općine Breza“.

Dostavljeno:  
1x Općinski načelnik  
1x Služba za fin.insp.posl. i opću upravu  
1x 01/1  
1x Arhiva

ZAMJENIK PREDSJEDAVAJUĆEG  
Općinskog vijeća  
Kadrić Memsud, s.r.

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Na osnovu člana 19.stav 1.tačka 19. Statuta Općine Breza („Službeni glasnik Općine Breza“, broj:8/09-Prečišćeni tekst) i člana 9. Odluke o usklađivanju statusa Javnog preduzeća „Komunalno“ d.o.o. Breza sa Zakonom o javnim preduzećima u Federaciji Bosne i Hercegovine i Zakonom o privrednim društvima („Službeni glasnik Općine Breza, broj:11/17), Općinsko vijeće Breza, na sjednici održanoj dana 30.04.2019. godine, d o n o s i :

## ZAKLJUČAK

### I

DAJE SE SAGLASNOST Čosić Nerminu da u ime Osnivača, a na prijedlog Općinskog načelnika, predsjedava na 36. /tridesetšestoj/, redovnoj sjednicu Skupštine Javnog preduzeća „Komunalno“ d.o.o. Breza.

### II

Dnevni red 36. Redovne sjednice Skupštine JP „Komunalno“ d.o.o. Breza je:

1. Izbor radnih tijela sjednice Skupštine preduzeća (zapisničara i ovjerivača zapisnika).
2. Razmatranje i usvajanje Zapisnika sa 35. (tridesetpete) redovne sjednice Skupštine preduzeća, broj:913-Z/19 od 04.04.2019. godine.
3. Razmatranje i usvajanje Izvještaja o poslovanju JP „Komunalno“ d.o.o. Breza za period  
01.01.-31.12.2018. godine, Izvještaja o izvršenoj reviziji finansijskih izvještaja za JP „Komunalno“ d.o.o. Breza za poslovnu 2018. godinu i Izvještaja o radu Nadzornog odbora JP „Komunalno“ d.o.o. Breza za period 01.01.2018.-31.12.2018. godine-izvjestilac:Uprava preduzeća.
4. Razmatranje i usvajanje Prijedloga Trogodišnjeg plana poslovanja JP „Komunalno“ d.o.o.  
Breza za period 2019.-2021.godine-izvjestilac: Uprava preduzeća.
5. Informacija o lokaciji za izgradnju gradske kotlovnice.

### III

Prilikom glasanja po predloženim tačkama Dnevnog reda, ovlaštenu punomoćnik će glasati:

- 1.Razmatranje i usvajanje Izvještaja o poslovanju JP „Komunalno“ d.o.o. Breza za period  
01.01.-31.12.2018. godine, Izvještaja o izvršenoj reviziji finansijskih izvještaja za JP „Komunalno“ d.o.o. Breza za poslovnu 2018. godinu i Izvještaja o radu Nadzornog odbora JP „Komunalno“ d.o.o. Breza za period 01.01.2018.-31.12.2018. godine-izvjestilac:Uprava preduzeća , ovlaštenu punomoćnik će glasati **ZA**
- 2.Razmatranje i usvajanje Prijedloga Trogodišnjeg plana poslovanja JP „Komunalno“ d.o.o.  
Breza za period 2019.-2021.godine-izvjestilac: Uprava preduzeća, ovlaštenu punomoćnik  
će glasati **ZA**

### IV

Zaključak objaviti u „Službenom glasniku Općine Breza“.

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**  
Broj: 01/1-02-1018/19  
Breza, 30.04.2019.

Na osnovu člana 115. stav 3. Statuta Općine Breza ("Službeni glasnik Općine Breza", broj 8/09 – Prečišćeni tekst), i prijedloga predsjednika klubova parlamentarnih stranaka Općinsko vijeće Općine Breza na sjednici održanoj 30.04.2019. godine donosi sljedeći

## ZAKLJUČAK

### I

**DA SE** pripremi tematska sjednica Općinskog vijeća u roku od 60 dana na kojoj bi se razmatralo stanje u Javnom preduzeću „Komunalno“ d.o.o Breza.

### II

Za pripremu sjednice zadužuje se Služba za privredu i menadžment Javnog preduzeća „Komunalno“ d.o.o

### III

Zaključak objaviti u Službenom glasniku Općine Breza

DOSTAVLJENO:

1x Služba za privredu,  
1x JP „Komunalno“ d.o.o Breza  
1x 01/1,  
1x Arhiva.

ZAMJENIK PREDSJEDAVAJUĆEG

Općinskog vijeća  
Kadrić Memsud, s.r.

Bosna i Hercegovina  
Federacija Bosne i Hercegovine  
Zeničko-Dobojski Kanton  
OPĆINA BREZA  
Općinsko vijeće  
Broj: 01/1-02-914/19  
Breza, 30.04.2019. godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja prijedloga Odluke o izmjenama i dopunama Odluke o cijenama komunalnih proizvoda i usluga individualne potrošnje JP „Komunalno“ d.o.o Breza, Općinsko vijeće Breza na sjednici održanoj dana 30.04.2019.godine, d o n o s i:

## ZAKLJUČAK

### I

**DA SE** uradi detaljna kalkulacija cijena komunalne usluge dijela gospodarenja otpadom i da se za narednu redovnu sjednicu pripremi Odluka sa svim parametrima naprijed navedenim.

### II

Zaključak objaviti u „Službenom glasniku Općine Breza“.

Dostavljeno:

1x Općinski načelnik  
1x Služba za privredu  
1x JP „Komunalno“ d.o.o Breza  
1x 01/1  
1x Arhiva

ZAMJENIK PREDSJEDAVAJUĆEG

Općinskog vijeća  
Kadrić Memsud, s.r.

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
**Općinsko vijeće**

Broj: 01/1-02-947/19  
Breza, 30.04.2019. godine

Na osnovu člana 115. Statuta Općine Breza ("Službeni glasnik Općine Breza", broj: 8/09 – Prečišćeni tekst) prilikom razmatranja Plana rada Jedininstvenog općinskog organa uprave Općine Breza za 2019. godinu, Općinsko vijeće Breza na sjednici održanoj dana 30.04.2019.godine, d o n o s i:

## ZAKLJUČAK

### I

**DAJE SE** saglasnost na Plan rada Jedininstvenog općinskog organa uprave Općine Breza za 2019. godinu. (Sastavni dio ovog Zaključka je Plan rada Jedininstvenog općinskog organa uprave Općine Breza za 2019. godinu)

### II

Za realizaciju Zaključka zadužuje se Općinski načelnik i pomoćnici Općinskog načelnika Općine Breza.

### III

Zaključak objaviti u „Službenom glasniku Općine Breza“.

Dostavljeno:

1x Općinski načelnik

1x Pomoćnici općinskog načelnika

1x 01/1

1x Arhiva

ZAMJENIK PREDSJEDAVAJUĆEG

Općinskog vijeća

Kadrić Memsud, s.r.

Bosna i Hercegovina  
Federacija Bosne i Hercegovine  
Zeničko-Dobojski Kanton  
OPĆINA BREZA  
Općinski načelnik

Na osnovu člana 8. stav 3. alineja 3. Zakona o principa lokalne samouprave u Federaciji BiH („Službene novine Federacije BiH“, broj: 49/06 i 51/09) i člana 37. stav 6. Statuta Općine Breza („Službeni glasnik Općine Breza“, broj: 8/09), Općinski načelnik,  
d o n o s i

## **PLAN RADA**

### **Jedinstvenog općinskog organa Općine Breza za 2019. godinu**

#### **I Uvod**

U skladu sa zakonskim propisima ovim Planom Općinski načelnik, Stručne službe općinskog vijeća i općinskog načelnika Općine Breza utvrđuju općinsku politiku koju planiraju realizirati u tekućoj godini u saradnji sa Općinskim vijećem.

Jedinstveni općinski organ će u tekućoj godini nastaviti da u saradnji sa međunarodnim organizacijama na raznim projektima usaglašava pravni okvir i izvršava poslove iz djelokruga poslova u organu uprave a sve prema Odluke o unutrašnjoj organizaciji općinskih službi za upravu i posebnih službi u Jedinstvenom općinskom organu Općine Breza .Osnovni cilj plana je bolja organizacija rada Jedinstvenog organa uprave u kome će se na sistematičan način realizirati postavljeni ciljevi, a sve u cilju obezbjeđenja kvalitetnijih uslova života, te privlačenja potencijalnih investitora i omogućavanja ulaganja u općinu Breza.

#### **II Ciljevi za 2019. godinu**

Aktivnosti koje će realizirati Općinska uprava tokom 2019. godine baziraju se na obavezujućim unutrašnjim i vanjskim propisima, a planiraju se na osnovu zahtjeva proisteklih iz zakona, sporazuma/ugovora sa domaćim i međunarodnim organizacijama i institucijama, Općinskog budžeta za 2019. godinu, Programa rada Općinskog vijeća i Općinskog načelnika, razvojnih i drugih usvojenih dokumenata i programa, uz predviđenu realizaciju periodičnog preispitivanja, analize i poboljšavanja, a uz osiguranje odgovarajućih resursa i to: obučeno i edukovano osoblje iz oblasti neophodnih za efektivan rad organa uprave kao i organizovanu materijalno-tehničku podršku, kao preduslov za uspješnu realizaciju planiranih aktivnosti.

Općina Breza će poseban akcenat staviti na realiziranje godišnjeg Akcionog plana rada za 2019. godinu te realizacije plana implementacije za 2019.godinu usvojene Strategije integriranog lokalnog razvoja općine Breza. Stvaranje preduslova za ugodan život njenih građana, pokretanjem inicijativa i podupiranjem realizacije istih, te izradom projektnih prijedloga, implementacijom, monitoringom i evaluacijom projekata, mjera i programa koji su definisani u Akcionom planu za 2019. godinu će Općinu Breza rangirati kao stabilnu općinu.

Općina Breza kroz Program rada općinskog vijeća, plana rada Općinskog načelnika, Akcioni plan kapitalnih investicija i planom implementacije direktno ili indirektno doprinosi ostvarenju sva tri strateška cilja:

Strateški cilj 1. **Osiguran kontinuirani rast privrede**

Strateški cilj 2. **Unaprijeđen društveni život svih kategorija stanovništva**

**Strateški cilj 3. Izgrađena zajednica zaštićenog okoliša i prirodnih resursa**

Osnovni pravci provođenja općinske politike bit će usmjereni kroz realizaciju sljedećih programa i to:

- Akcioni plan kapitalnih investicija za 2019.godinu;
- Implementacija usvojenog Prostornog plana općine Breza (izmjene i dopune Prostornog plana);
- Plan implementacije za 2019. godinu usvojene Strategije integriranog lokalnog razvoja;
- Provođenje ostalih programa usvojenih u Općini Breza;
- Održavanje dva ISO standarda i to EN ISO 9001:2015 i EN ISO 14001:2015.

Kontinuirano održavanje usvojenog integriranog sistema upravljanja kvalitetom i okolinskim upravljanjem putem usvojenih politika i ciljeva međunarodnog standarda ISO, Općina Breza je opredijeljena da kontinuirano radi na poboljšanju sistema kroz ciklus PDCA.

Kroz harmonizaciju katastarskih čestica unaprijeđeno je rješavanje imovinsko-pravnih odnosa i objedinjavanja grunta i katastra gdje se podigla odgovornost uprave prema građanima i smanjio vremenski okvir rješavanja zainteresiranih strana.

**III Prikaz najvažnijih aktivnosti na realizaciji projekata koji su ušli u Budžet za 2019. godinu**

Ovim planom, a u najvećoj mogućoj mjeri naše aktivnosti prvenstveno moraju biti usmjerene na još bolji rad stručnih službi u Jedinственном organu uprave Općine Breza, koje trebaju biti usmjerene i maksimalno angažovane na ostvarenju prihoda u budžetu općine. Stručne službe Općine Breza su dužne da realiziraju planirane investicije u općini Breza i ovo je jedan od prioritetnijih zadataka za našu općinu .

Od nadležnih službi općine pojačana je kontrola javne potrošnje uz poštivanje mjera štednje kroz zamjenu rasvijetnih tijela LED rasvjetom koja predstavljaju energetske efikasniju rasvjetu od predhodne. Također, uveden je sistem kontrole izdvajanja sredstava kroz subvencije javnim ustanovama, neprofitnim organizacijama, udruženjima i javnim preduzećima, gdje se traži plan aktivnosti od navedenih institucija za navedeni period kao i izvještaj o realiziranom planu aktivnosti.

Posebna pažnja će se usmjeriti na aktivnosti oko realizacije kapitalnih investicija koja su predviđena Budžetom Općine Breza za 2019.godinu, čija će realizacija zavisiti od ostvarenja prihoda.

Prioritet u realizaciji projekata će biti započeti a ne dovršeni projekti, a to su:

- Regulatorni planovi za naselja: Poljice, Kolonije i Hrasno
- Lokalna cesta R444-Prhinje, dionica R444– Haldija,
- Mjesni vodovodi: Slivno i Bukovik,
- Sportska dvorana,
- Centralno spomen obilježja,
- Sanacija klizišta: Kolonije
- Uređenje korita rijeke Stavnje,
- Rekonstrukcija pješačkih staza,

Kroz budžet općine Breza su planirani i projekti iz plana implementacije usvojene Strategije integriranog lokalnog razvoja a koji obuhvataju projekte ekonomskog razvoja, projekte društvenog razvoja i projekte zaštite životne sredine kao i ostali projekti i kapitalni izdaci koji se tiču infrastrukturnog uređenja užeg i šireg područja općine Breza. a poseban akcenat je stavljen na podršku zapošljavanja kao najbitnijem pitanju, kroz izradu provedbene Prostorno planske dokumentacije, izgradnju komunalne i cestovne infrastrukture, ubrzavanje



procedura za izdavanje odobrenja za građenje i odobrenja za rad, a sve u cilju privlačenja domaćih i stranih investitora.

Uz navedeno, a u vezi podrške zapošljavanju u tekućoj godini, prioritet će biti aktivno učešće i iznalaženju mogućnosti za pristup pristupnim i predpristupnim fondovima EU kao i iznalaženju mogućnosti za pristupanje projektima Javno-privatnog partnerstva.

Donošenjem Regulacionih planova stvorene su pretpostavke za uređenje užeg gradskog područja i što doprinosi stvaranju boljih uslova življenja građana, kroz izgradnju komunane i cestovne infrastrukture, uređenja stambenih kvartova, kao i drugih uređenja prostora.

Kao Općinski načelnik nastavit ću insistiranje na uvođenju plaćanja koncesione naknade na eksploataciju uglja kao neobnovljivog mineralnog reursa, a sredstva koja bi se dobila od koncesione naknade predstavljaju značajan dio prihoda u budžetu općine Breza, što direktno utiče na realizaciju bitnih infrastrukturnih projekata te tim i razvoj općine Breza u cjelini.

U oblasti poboljšanja uslova snabdijevanja vodom u toku tekuće godine će se nastaviti sa izgradnjom i rekonstrukcijom vodovodnih sistema Koritniku, Slivno, Bukoviku, Vrankamen, i dr.

---

Planirano je utvrđivanje valsništva, upravljanje i održavanje izgrađenih a nedovršenih kanalizacionih sistema, njihova dalja izgradnja, i dovođenje u stanje da se mogu preati ovlaštenom operateru na upravljanje i održavanje, a sve u skladu sa Odlukom o odvodnji i prečišćavanju otpadnih voda.

Neophodno je u narednom periodu intenzivirati aktivnosti na promociji Općine u BiH i šire kroz ponudu svih potencijala općine za potencijalne investitore, te se dodatno angažirati na kandidovanju projekata kod međunarodnih organizacija, kao i učiniti napore da osposobimo određeni kadar koji će omogućiti apliciranje na projekte prekogranične saradnje. Kroz intenziviranje promocije općine steći će se uslovi za unapređenje razvoja i zainteresiranosti privrednika za investiranje u našu općinu.

Ističemo takođe neophodnost dobre saradnje sa Savezom općina i gradova u FBiH zbog aktivnog učešća u donošenju Zakona viših nivoa vlasti, kao i saradnju sa svim drugim institucijama na svim nivoima.

Poseban fokus je stavljen na pružanje pomoći u rješavanju problema funkcionisanja javnih preduzeća i ustanova čiji je osnivač Općina Breza, te posebnu pažnju moramo i dalje usmjeriti u vezi pitanja funkcionisanja JP "Komunalno" d.o.o Breza jer je komunalna djelatnost od posebnog značaja za sve građane Općine Breza.

Uočen je veliki napredak u radu nevladinih organizacija sa posebnim akcentom na boračke organizacije kao i sportska udruženja koja su ostvarila zapažene rezultate kako na lokalnom tako i na međunarodnom nivou. Planirano je u narednom periodu i dalje pratiti razvoj sporta od strane organa uprave kroz promociju postignutih uspjeha i finansijske podrške.

Plan rada Općinskog načelnika i službi ostaje otvoren za sve prijedloge i inicijative, te se prihvataju određene izmjene i dopune u toku realizacije po ukazanoj potrebi.

Usvanjem ovog Plana Općinski načelnik zajedno sa šefovima službi su odgovorni za realizaciju istog, blagovremeno vođenje i praćenje svih aktivnosti za izvršenje ovog Plana, te Programa rada Općinskog vijeća Općine Breza.

Plan rada Općinskog načelnika za 2019. godinu, objavit će se u „Službenom glasniku Općine Breza“.

Sastavni dio ovog Plana su Planovi rada Službi za upravu i to:

1. Stručna služba općinskog vijeća i općinskog načelnika
2. Služba za finansije, opću upravu i inspekcijske poslove
3. Služba za privredu
4. Služba za prostorno uređenje, zaštitu kolice, geodetske i imovinskopravne poslove
5. Služba civilne zaštite

U naprijed navedenim planovima službi mogu se naći podaci vezani za ciljeve općinskih službi, pregled strateško-programskih i redovnih poslova, budžeti općinskih službi, mjerenje i izvještavanje o uspješnosti rada službi kao i ljudski resursi po općinskim službama.

Broj:01/2-05-935/19

Breza:25.04.2019.godine

DOSTAVLJENO:

1 x Arhiva

OPĆINSKI NAČELNIK

mr.sci.Munib A.Zaimović, s.r.

---

---

## SADRŽAJ

- 135. Odluka o izmjeni Odluke o pristupanju izradi regulacionog plana za resort/turističkog naselja Vijesolići – Breza
- 136. Odluka o utvrđivanju javnog interesa
- 137. Odluka o spomen-obilježjima na području Općine Breza
- 143. Odluka o pristupanju izradi Zoning plana „Industrijska zona Koritnik“
- 145. Zaključak o usvajanju Izvještaja o izvršenju Budžeta Općine Breza za period od 01.01.2018.-31.12.2018. godine
- 146. Zaključak o davanju saglasnosti Čosić Nerminu da predsjedava na 36. redovnoj sjednici Skupštine JP „Komunalno“ d.o.o Breza u ime osnivača
- 147. Zaključak o pripremi tematske sjednice
- 147. Zaključak o izradi detaljne kalkulacije cijena komunalne usluge dijela gospodarenja otpadom
- 148. Zaključak o davanju saglasnosti na Plan rada Jedininstvenog općinskog organa Općine Breza
- 149. Plan rada Jedininstvenog općinskog organa Općine Breza za 2019. godinu



Izdavač: Općina Breza, Stručna Služba Općinskog vijeća, Ulica Bogumilska br.1. telefon: 786-029, fax: 786-031.